

劉向列女傳
五

丑



新刻古列女傳卷之八



目錄

續列女傳

- | | | | | | |
|----|------|----|----|------|----|
| 一 | 周郊婦人 | 仁智 | 二 | 陳辯女 | 辯通 |
| 三 | 聶政姊 | 節義 | 四 | 王孫氏母 | 節義 |
| 五 | 陳嬰母 | 賢明 | 六 | 王陵母 | 節義 |
| 七 | 張湯母 | 仁智 | 八 | 雋不疑母 | 母儀 |
| 九 | 楊夫人 | 賢明 | 十 | 霍夫人 | 顯尊 |
| 十一 | 嚴延年母 | 仁智 | 十二 | 漢馮昭儀 | 節義 |
- 右十二傳漢成帝前入而無頌

十三王章妻女仁智

十四班婕妤好辯通

十五趙飛燕姊弟孽嬖

十六漢孝平王后貞順


十七更始夫人孽嬖

十八梁鴻妻賢明

十九明德馬后母儀

二十梁夫人媳辯通

右三傳成帝同時人五傳後時人而皆班氏前人或同時人並無頌



新刻古列女傳卷之八

漢 光祿大夫劉向子政 撰
明 錢唐後學胡文煥德甫校

一 周郊婦人


周郊婦人者周大夫尹固所遇于郊之婦人也周赧王之時王子朝怙寵為亂與敵王爭立敵王不得入尹固與召伯盈原伯魯附于子朝春秋魯昭二十六年月晉師納王尹固與子朝奉周之典籍出奔之數日道還周郊婦人遇郊尤之曰處則勸人為禍行則數日而反是其過三歲乎至昭公二十九年京師果殺

尹固君子謂周郊婦人惡尹氏之助亂知天道之不祐示以大期終如其言詩云取譬不遠昊天不弔此之謂也



二 陳辯女

辯女者陳國採桑之女也晉大夫解居甫使于宋道
 過陳遇採桑之女止而戲之曰女為我歌我將舍汝
 採桑女乃為之歌曰墓門有棘斧以斯之夫也玉良
 國人知之知而不已誰昔然矣大夫又曰為我歌其
 二女曰墓門有梅有鸚萃止夫也不良歌以訊止訊
 予不顧顛倒思予大夫曰其梅則有其鸚安在如曰
 陳小國也攝乎大國之間因之以飢餓加之師旅
 其人且亡而况鸚乎大夫乃服而釋之君子謂辯女
 貞正而有辭柔順而有守詩云既見君子樂且有儀




此之謂也

卷之三


三 聶政姊

齊勇士聶政之姊也。聶政母既終，獨有姊在。及為濮陽嚴仲子刺韓相俠累，所殺者數十人，恐禍及姊，因自披其面，抉其目，自屠，勿而死。韓暴其尸于市，購問以千金，莫知為誰。姊曰：「弟至賢，妾之軀，滅吾之弟，名非弟意也。」乃之韓，哭聶政尸，謂吏曰：「殺韓相者，妾之弟，軀深井里聶政也。」亦自殺于尸下。晉趙楚衛聞之，曰：「非獨聶政之勇，乃其姊亦烈女也。」君子謂聶政姊仁而有勇，不去死以滅名，詩云：「死喪之威，兄弟孔懷。」言死可畏之事，唯兄弟甚相懷，此之謂也。



四 王孫氏母


王孫氏母者齊大夫王孫賈之母也賈年十五事齊
閔王國亂閔王出見弑國人討賊王孫母謂賈曰
汝朝出而晚來則吾倚門而望汝汝暮出而不還則
吾倚閭而望汝今汝事王王出走汝不知其處汝尚
何歸乎王孫賈乃入市中而令百姓曰淖齒亂齊國
弑閔王欲與我誅之者袒右市人從者四百人與之
誅淖齒刺而殺之君子謂王孫母義而能教詩云教
誨爾子式穀似之此之謂也



五 陳嬰母


漢棠邑侯陳嬰之母也始嬰為東陽令史居縣素信為長者秦二世之時東陽少年殺縣令相聚數千人欲立巨帥未有所用乃請陳嬰嬰謝不能遂強立之縣中從之得二萬人歎立嬰為王嬰母曰我為子家婦聞先故不甚貴今暴得大名不祥不如以兵有所屬事成猶得封侯敗則易以卜可無為人所指名也嬰從其言以兵屬項梁梁以為上柱國後項氏敗嬰歸漢以功封棠邑侯君子曰嬰母知天命又能守先故之業流祚後世謀慮深矣詩曰貽厥孫謀以燕翼

子此之謂也



六 王陵母

漢丞相安國侯王陵之母也陵始為縣邑豪高祖微時兄事陵及高祖起沛陵亦聚黨數千以兵屬漢王項羽與漢為敵國得陵母置軍中陵使至則東嚮坐陵母欲以招陵母既而私送使者泣曰為老妾語陵善事漢王漢王長者無以老妾故懷二心言妾已死也乃伏劍而死以固勉陵項羽怒烹之陵志益感終與高祖定天下位至丞相封侯傳爵五世君子謂王陵母能棄身立義以成其子詩云我躬不閱遑恤我後終身之仁也陵母之仁及五世矣





七 張湯母

漢御史大夫張湯之母也湯以文法事漢孝武帝為
 御史大夫好勝陵人母數責怒性不能悛改後果為
 丞相嚴青翟及三長史所怨會趙主上書言湯罪繫
 廷尉丞相及三長史共致其罪遂自殺昆弟諸子欲
 厚葬之母曰湯為天子大臣被惡言而死亦何厚葬
 載以牛車有棺而無槨天子聞之曰非此母不生此
 子乃盡案誅三長史丞相嚴青翟自殺君子謂張湯
 母能克己感悟時主詩云彼美孟姜德音不忘此之
 謂也

雋不疑母

漢京兆尹雋不疑之母也母賦性純謹最慈仁居家
恂恂善教御諸子姓舉有方而一食息言笑間不苟
時漢尚吏治以故吏多嚴刻母謂嚴刻之重以殘民
命也每隱痛之不疑為京兆尹行縣錄囚徒還其母
輒問所平反母喜笑飲食言語異于他時或無所出
母怒為之不食由是故不疑之為吏也不嚴不殘所
全活者甚衆人知疑之治尚寬而不知其母之善教
有以致之也君子謂不疑之母能以仁教詩云昊天
疾威敷于下土言天道好生疾威虐之行于下土體





上天好生之心者此不疑之母之謂也

九 楊夫人

楊夫人者漢丞相安平侯楊敞之妻也漢昭帝崩昌邑王賀即帝位淫亂大將軍霍光與車騎將軍張安世謀欲廢賀更立帝議已定使太司農田延年報敞敞驚懼不知所言汗出浹背徒曰唯之而已延年出更哀夫人遽從東廂謂敞曰此國之大事今大將軍議已定使九卿來報君侯君侯不疾應與大將軍同心猶與無決先事誅矣延年從更衣還敞夫與延年參語許諾請奉大將軍教令遂共廢昌邑王立宣帝居月餘敞薨益封三千五百戶君子謂敞夫人可

謂知事之機者矣詩云辰彼碩女令德來教此之謂也



十一 霍夫人顯


霍夫人顯者漢大將軍博陸侯霍光之妻也奢淫虐
 害不循軌度光以忠慎受孝武皇帝遺詔輔翼少主
 當孝宣帝時又以立帝之功甚見尊寵人臣無二顯
 有小女字成君欲貴之其道無由會宣帝許后當產
 疾顯乃謂女監淳于衍曰婦人乳太故十死一生
 今皇后當乳身可因投藥去之使我女得為后富貴
 共之衍承其言構附子碎太醫大丸中持入遂藥殺
 許后事急顯以情告光驚愕業已治衍奏因令上
 署勿論顯遂為成君衣補治入宮具果立為后是時

許后之子以正適立為太子顯怒嘔血不食曰此乃
帝在民間時子安得為太子即我女有子反當為王
耶復教皇后令毒殺太子皇后數召太子食保阿軻
先嘗之光既薨子禹嗣為博陸侯顯改更光時所造
瑩而侈大之築神道為輦閣幽閉良人奴婢又治第
宅作乘輿輦畫繡網鞞黃金塗為薦輪侍婢以五采
絲鞵顯遊戲又與監奴馮子都淫亂禹等縱弛日甚
宣帝既聞霍氏不道又弑許后事泄顯恐怖乃謀為
逆欲廢天子而立禹發覺霍氏中外皆腰斬而顯棄
市后廢處昭臺宣詩云廢為殘賊莫知其尤言肆於


惡不知其為過霍夫人顯之謂也

十一 嚴延年母

河南太守東海嚴延年之母也。生五男，皆有吏材。至二千石，東海號曰萬石嚴。姬延年為河南太守，所在名為嚴能。冬月，傳屬縣囚論府下流血數里。河南號曰屠伯。其母常從東海來，欲就延年，臘到洛陽，適見報囚，母大驚，便止都亭，不肯入府。延年出，至都亭謁，母閉閤，不見延年。免冠頓首，閤下母乃見之。因責數延年，曰：「幸備郡守，專治千里，不聞行義教化，有以全安愚民，顧乘刑罰，多刑殺人，欲以致威，豈為民父母之意哉！」延年服罪，頓首謝。因為御歸府舍，母畢，正臘。



已謂延年曰天道神明人不可獨殺我不可意老當
 見壯子被刑戮也行矣去汝東海掃除墓地耳遂去
 歸郡見昆弟宗族復為言之後歲餘為府丞所章結
 延年罪名十事下御史案驗遂棄延年于市東海莫
 不稱母賢智君子謂嚴母仁智信道詩云心之憂矣
 寧自今矣其嚴母之謂也




十二 漢馮昭儀


漢馮昭儀者孝元帝之昭儀右將軍光祿勳馮奉世之女也元帝二年昭儀以選入後宮始為長使數月為美人生男是為中山孝王美人為婕妤建昭中上幸虎園鬪獸後宮皆從熊逸出園攀檻欲上殿左右貴人傳昭儀皆驚走而馮婕妤直當熊而立左右格殺熊天子問婕妤人情皆驚懼何故當熊對曰妾聞猛獸得人而止妾恐至御坐故以身當之元帝嗟嘆以此敬重焉傳昭儀等皆慙明年中山王封乃立婕妤好為昭儀隨王之國號中山太后君子謂昭儀勇而

慕兼詩云公之媚子從公于狩論語曰見義不為無勇也昭儀兼之矣

十三 王章妻女

王章妻女漢京兆尹王仲卿之妻及其女也仲卿為書生學于長安獨與妻居疾病無被卧牛衣中與妻訣泣涕妻呵怒曰仲卿尊貴在朝廷誰愈于仲卿者今疾病困厄不自激昂乃反涕泣何鄙也後章仕官至京兆尹成帝舅大將軍王鳳秉政專權章雖為鳳所舉意不肯附會有日食之變章上封事言鳳不可任用事成當上妻止之曰人當知足獨不念牛衣中流涕時耶章曰非女子所知書遂上天子不忍退鳳章由是為鳳所陷事至大遂收繫下獄章有小女年





十二夜號哭曰予日坐獄上聞呼囚數常至九今八
 而止我君素剛先死者必我君也明日問之果死妻
 子皆徙合浦鳳薨後成都侯王商為大將軍閔章無
 罪白還其妻子財產田宅衆庶給之君子謂王章妻
 知卷節之節詩云昊天已威予慎無罪言王為威虐
 之政則無罪而遭咎也


十四 班婕妤

班婕妤者左曹越騎班况之女漢孝成皇帝之婕妤也賢才通辯始選入後宮為少使俄而大幸為婕妤成帝遊于後庭嘗欲與婕妤同輦辭曰觀古圖畫賢聖之君皆有名臣在側三代之末主乃有女嬖今欲同輦得無似之乎上善其言而止太后聞而喜曰古有樊姬今有班婕妤每誦詩及窈窕德象女師之篇必三復之每進見上疏依古禮自鴻嘉之後成帝稍隆于女寵婕妤進侍者李平得幸立為婕妤帝曰始衛皇后亦從微起乃賜平姓曰衛所謂衛婕妤也

其後趙飛燕姊妹有寵驕妬譖訴婕妤云挾邪詛祝考問班婕妤曰妾聞死生有命富貴在天修正尚未蒙福為邪歎以何望且使鬼神有知不受不臣之訴如其無知訴之何益故弗為也上善其對而憐閔之賜黃金百斤時飛燕驕妬婕妤恐久見危求供養皇太后于長信宮上許焉婕妤退處東宮作賦自傷曰承祖考之遺德兮荷性命之澍靈登薄軀于宮闈兮充下陳于後庭蒙聖皇之渥惠兮當日月之盛明揚光烈之翕赫兮奉隆寵于增成既過幸于非位兮竊庶幾乎嘉時每寤寐而累息兮申佩褱以自思陳女

圖而鏡鑑兮顧女史而問詩悲晨婦之作戒兮哀
豔之為尤美皇英之女舜兮榮任如之豈周雖思陋
其靡及兮敢含心而忘茲歷年歲而悼懼兮閱繁華
之不滋痛陽祿與祔館兮仍襜褕而離災豈一人之
殃咎兮將天命之不可求白日忽以移光兮遂奄莫
而昧幽猶被覆載之厚德兮不廢捐于罪郵奉供養
于東宮兮託長信之未流供灑掃于帷幄兮永終死
以為期願歸骨于中足兮依松柏之餘休重曰潛玄
宮兮幽以清應門閉兮禁闈高華殿塵兮玉階苔中
庭萋兮綠草生廣屋蔭兮帷幄暗房櫳虛兮風冷

感惟裳兮發紅羅紛絳絲兮紉素聲神眇兮密覲
處君不御兮誰為榮俯視兮丹墀思君兮履綦仰視
兮雲屋雙涕下兮橫流顧左右兮和顏酌羽觴兮消
憂惟人生兮一世忽一過兮蒼涼已獨鷓兮高明處
生民兮極休勉娛精兮極樂與福祿兮無期綠衣白
華自古兮有之至成帝崩婕妤充奉園陵薨因葬園
中君子謂班婕妤好辭同輦之言蓋宣后之志也進李
平于同列樊姬之德也釋詛祝之諧定姜之知也求
供養于東宮寡李之行也及其作賦哀而不傷歸命
不怨詩云有斐君子如切如磋如琢如磨瑟兮僖兮




赫兮喧兮有斐君子終不可諠兮其班婕妤好之謂也

十五 趙飛燕姊妹

趙飛燕姊妹者成陽侯趙臨之女孝成皇帝之寵姬
飛燕初生父母不舉三日不死乃收養之成帝嘗微
行出過河陽主樂作上見飛燕而悅之召入宮大幸
有女弟復召入俱為婕妤貴傾後宮乃封父臨為成
陽侯有頃立飛燕為皇后其弟為昭儀飛燕為后而
寵衰昭儀寵無比居昭陽舍其中廷彤朱殿上漆砌
皆銅沓黃金塗白玉階壁往往為黃金缸函藍田璧
玉明珠翠羽飾之後宮未嘗有焉姊妹頗寵而悉無
子嬌媚不遜嫉妬後宮帝幸許美人有子昭儀聞之

謂帝曰常給我從中宮來今許美人子何從生對以
手自搏以頭擊柱從床上自投地涕泣不食曰今當
安置我遂歸爾帝曰我故語之反怒為亦不食昭儀
曰陛下自如是不食謂何陛下常言約不負汝今許
美人有子竟負約謂何帝曰約以趙氏故不立許氏
使天下無出趙氏之上者無憂也乃詔許氏夫人令
殺所生兒華篋盛緘之帝與昭儀共視復緘封以御
史中丞印出埋獄垣下中宮史曹官字偉能御幸生
子帝復用昭儀之言勿問男女殺之官未殺昭儀怒
掖庭獄丞籍武因中黃門奏事曰陛下無繼嗣子無


貴賤唯留意帝不聽時見生八九日遂取去殺之昭
儀與偉能書及藥令自死偉能得書曰果欲姊姊擅
天下且我兒額上有壯髮似元帝今兒安在已殺之
乎乃飲藥死自後御幸有子者輒死或飲藥自墮由
是使成帝無嗣成帝既崩援立外藩仍不繁育君子
謂趙昭儀之凶孽與褒姒同行成帝之惑亂與周幽
王同風詩云池之竭矣不云自濱泉之竭矣不云自
中成帝之時舅氏擅外趙氏專內其自竭極蓋亦池
泉之勢也



十六 漢孝平王后

漢孝平王后者安漢公太傅太司馬王莽之女孝平
皇帝之后也為人婉淑有節行平帝即位后年九歲
莽秉政欲只依霍光故事以女配帝設詐以成其禮
諷皇太后遣長樂少府宗正尚書令納采太師太司
徒太司空以下四十人皮弁素積而告宗廟明年春
遣司徒司空左右將軍奉乘輿法駕迎皇后于安漢
公第司徒授爾綬登車稱警蹕時自上林延壽門入
未央前殿群臣就位行禮畢大赦天下賜公卿下至
趨宰執事皆有差后位歲餘平帝崩後數年葬莫漢


位后年十八自劉氏廢嘗稱疾不朝會葬敬悼哀侯
意欲嫁之令立國將軍孫建世子椽飾將醫往問疾
后大怒答鞭旁侍御因發疾不肯起葬遂不敢強也
及漢兵誅莽燔燒未央宮曰何面目以見漢家自投
火中而死君子謂平后體自然貞淑之行不為存亡
改意可謂節行不虧汚者矣詩曰鬢彼而鬢實惟我
儀之死矢靡他此之謂也



十七

更始韓夫人

漢更始韓夫人者更始皇帝劉聖公之夫人也佞諂
 邪媚嗜酒無禮初王莽之末更始以新市平林下泣
 之衆起自立為更始將軍兵威日盛遂自立為帝以
 紹漢統及申屠建討莽首詣宛更始視之曰不如此
 當與霍光等韓夫人曰不如此帝那得之其佞巧得
 更始意如此更始既惰于政事而韓夫人嗜酒淫色
 日與更始醉飽沉湎乃令侍中于幃幕之內詐為更
 始與群臣語群臣知非更始聲莫不怨恨尚書奏事
 韓夫人曰帝方對我飲樂正用是時來奏事由是綱



紀不攝諸侯離叛赤眉入關不能制乃將妻子奉天
 子嬰殺降于赤眉為赤眉所殺詩云彼昏不知一醉
 曰富其更始與韓夫人之謂也

十八 梁鴻妻

梁鴻妻者右扶風梁伯淳之妻同郡孟氏之女其姿
貌甚醜而德行甚修鄉里多求者而女輒不肯行年
三十父母問其所欲對曰欲節操如梁鴻者時鴻未
娶扶風世家多願妻者亦不許聞孟氏女賢遂求納
之孟氏盛飾入門七日而禮不成妻跪問曰竊聞夫
子高義斥數妻妾亦已偃蹇數夫今來而見擇請問
其故鴻曰吾欲得衣裘褐之人與共遁世避時今若
衣綺綉傳黛墨非鴻所願也妻曰竊恐夫子不堪妾
幸有隱居之具矣乃更簪衣椎髻而前鴻喜曰如此

者誠鴻妻也字之曰德曜名孟光自名曰運期字保
光共避逃霸陵山中此時王莽新敗之後也鴻與妻
深隱耕耘織作以供衣食誦書彈琴忘富貴之樂後
復相將至會稽賃舂為事雖襍庸保之中妻每進食
舉案齊眉不敢正視以禮修身匪在敬而慕之君子
謂梁鴻妻好道安貧不汲汲于榮樂論語曰不義而
富且貴於我如浮雲此之謂也

十九 明德馬皇后

明德馬皇后諱某，伏波將軍援之小女也。少喪父母，兄客卿敏慧早夭，母隴音夫人悲傷發疾，慄音上怵音。后時年十歲，幹理家，夏勅制，僮御內外，謠稟夏同。成人初，諸家莫知者，後聞之，咸歎異焉。后嘗父疾，太夫人令筮之，筮者曰：「此女雖有患狀，而當大貴，兆不可言也。」後又呼相者，使占諸女，見后大驚，曰：「我必為此女。」称臣，然貴而少子。若養宅子者，得力乃當踰於所生。以選入太子宮，時年十三，奉承陰后，傍接同列。礼則備，上下安之。遂見甯異常，居後堂，顯宗即位。



以后為貴人時后前母姊女賈氏亦以選入生肅宗
帝以后無子命令養之謂曰人未必當自生子俱患
愛養不至耳后於是尽心撫育勞悴音過於所生肅
宗亦孝性淳篤恩性天至母子慈愛始終無纖介之
間后常以皇嗣未廣每懷憂歎薦達於左右若恐不
及後宮有進見者每加慰納若數所寵引輒增隆永
平三年春有司遇奏立長秋宮帝未有所言皇太后
曰馬貴人德冠後宮即其人也遂立為皇后先是數
日夢有小飛鳥無數赴著身又入皮膚中而後飛出
既正位宮圍愈自謙肅身七尺二寸方口美髮能誦

易好讀春秋楚辭尤善周官董仲舒各常衣大練音
不加緣朝望諸姬主朝請望見后袍踈麋音反以為
綺縠就視乃笑后辭曰此繒音特宜染色故用之耳
亦宮莫不歎息帝嘗幸苑園離宮后輒以夙邪露霧
為戒辭意欵備多見詳撰帝幸濯龍中並召諸才人
下邳音王已下皆在側請呼皇后帝笑曰是家志不
好樂雖來無歡是以遊娛之事希嘗從焉十五年帝
案地圖將封皇子悉半諸國后見而言曰諸子裁食
數縣於制不已儉乎帝曰我子豈宜与先帝子等乎
歲給二十万足矣時楚獄連年不斷囚相證引坐繫

者甚衆后慮其多濫乘間言及惻然帝感悟之夜起
彷徨皇音為思所納卒多有所降宥時諸將奏事及公
卿較教音議難平者帝數以試后后輒分解趣音理各
得其情每於侍執之際輒言及政事多所毗音補而
未嘗以家私于欲寵敬日隆始終無衰及帝崩肅宗
即位尊后曰皇太后諸貴人當徙居南宮太后感拊
別之懷各賜王赤綬加安車駟馬自越二千端雜帛
二千匹黃金十斤自撰顯宗起居注削去兄防參醫
藥事帝請曰黃門舅且夕供養且一年既無褒異又
不錄勤勞無乃過乎太后曰吾不欲令後世聞先帝


數親後宮之家故不著也建初元年欲封諸舅太
后不聽明年夏大旱言事者以為不封外戚之故有
司因此上奏宜依旧典太后詔曰凡言事者皆欲媚
朕以要福耳昔王氏五侯同日俱封其時黃霧四塞
不聞澍音雨之應又田蚡音墳上寶嬰寵貴橫恣傾覆
之禍為世所傳故先帝防慎舅氏不令在樞機之位
諸子之封裁令半楚淮陽諸國嘗謂我子不當与先
帝子等今有司奈何欲以馬氏比陰氏乎吾為天下
母而身服大練食不求茸左右但著帛布無香薰之
飾者欲躬率下也以為外親見之當傷心自勅但笑

言太后素好儉前過濯龍門上見外家問起居者車
如流水馬如遊龍倉頭衣綠繡音繡領袖正白顧視
御者不及遠矣故不加譴音去怒但絕歲用而已異
以默愧其心而猶懈怠無憂國忘家之慮知臣莫若
君况親屬乎吾豈可上負先帝之旨下虧先人之德
重襲音西西京敗亡之禍哉固不許帝省詔悲歎復重
請曰漢興舅氏之封侯猶皇子之為王也太后誠存
謙虛奈何令臣独不加恩音舅乎且衛尉守尊兩校
尉有大病如今不諱使臣長抱刻鵠骨之恨宜及吉
時不可稽音雞留太后報曰吾反覆念之思令兩善豈

徒欲獲謙讓之名而使帝受不处施之嫌哉昔竇太
后欲封王皇后之兄丞相條侯言受高祖約無軍功
非劉氏不侯今馬氏無功於國豈得與陰郭中興之
后等耶常觀富貴之家祿位重疊猶每實之木其根
必傷且人所以願封侯者欲上奉祭祀下求温飽耳
今祭祀則受四方之珍衣食則蒙御府餘資斯豈不
足而必當得一縣乎吾計之熟矣勿有疑也夫至孝
之行安親為上今數遭喪異穀價數倍憂惶昼夜不
安坐卧而欲先營外封違慈母之拳拳乎吾素剛急
有胸中氣不可不順也若陰陽調和边境清靜然後

行子之志吾但當含飴音移弄孫不能復開政矣時勅
平主家御者失火延及北閣後殿太后以為已適起
居不歡時當謁原陵自引守備不慎慙見陵園遂不
行初大夫人葬起墳微高太后以為言兄瘳等即時
減削其外親有謙素義行者輒假借溫言賞以財位
如有纖介則先見嚴恪康入聲之色然後加譴其美車
服不軌諡音法度者便絕屬籍遣飯田里廣平鉅鹿樂
成王車騎朴素無金銀之飾帝以白太后太后即賜
錢各五百萬於是內外從化被服如一諸家惶恐倍
於永平時乃置織室蠶於濯龍中教往觀視以為娛

樂常與帝旦夕言道政事及教授諸小王議經書述
叙論平生雍和終日四年天下豐稔上聲方垂無事帝
遂封三舅瘳防光為列侯並辭讓願就開內侯太后
聞之曰聖人設教各有其方知人情性莫能齊也吾
少忙時但慕竹帛志不顧命今雖已老而後戒之在
得故日夜惕音利厲音利思自降損居不求安食不念飽
真乘此道不負先帝所以尊化兄弟共同斯志歟令
瞑目之日無所復恨何意老志復不從哉万年之日
長恨矣瘳等不得已受封爵而退位飯第焉太后其
年寢疾不治巫祝小醫數勅絕禱音島祀至六月崩在



位二十三年四十餘合葬顯節陵

三十 梁夫人媿

梁夫人媿者梁竦之女樊調之妻漢孝和皇帝之姨
恭懷皇后之同產姊也初恭懷后以選入掖庭進御
于孝章皇帝有寵生和帝立為太子竇后母養焉和
帝之生梁氏喜相慶賀聞竇后驕恣欲專恣害
外家乃誣陷梁氏時竦在本郡安定認書收殺之家
屬後九真後和帝立竇后崩諸竇以罪惡誅故媿從
民間上書自訟曰妾同產女弟貴人前死後宮蒙先
帝厚恩得見寵幸皇天授命育生明聖托體陛下為
竇憲兄弟所譖訴而破亡父竦冤死牢獄體骨不掩

耳今老母孤弟遠徙萬里獨妾脫身羸伏草野嘗恐
殒命無由自達今遭陛下神聖之德攬統萬里憲兄
弟奸惡伏誅海內黜然各得其所妾幸蘇息拭目更
視敢昧死自陳父既湮沒不可復生母垂年七十弟
棠等遠在絕域不知死生願乞母弟還本郡收葬竦
枯骨妾聞文帝即位薄氏蒙達宣帝繼統史氏復興
妾自悲既有薄史之親獨不得蒙外戚餘恩章既上
天子感悟使中常侍掖庭令譙詎問知事明審引見
應對上泣涕賞賜義姊媿既美有節行又首追此事
上甚善之稱梁夫人擢媿夫樊調為郎中遷羽林郎

將恭懷后遂乃改殯于承光宮葬為陵追謚竦為褒
親愍侯徵還母及弟等及既到乃封侯食邑三千戶
君子謂梁夫人以哀辭發家開悟時主榮父之魂還
母萬里為家門興三國之祚使天子成母子之禮詩
云世之不顯厥猶翼人思皇多士生此乎國此之謂
也

劉向古列女傳卷之八終

承應二年癸巳八月穀旦

